

叢書集成三編 第六二冊目錄

文學類



詞總集——五代

景明正德仿宋本花間集十卷

宋 趙崇祚集

宋金元明

〇六二 〇〇一

詞總集——宋

景元本鳳林書院草堂詩餘三卷（又名：精選名儒草堂詩餘）

宋 何士信輯

宋金元明

〇六二 〇六一

景宋本中興以來絕妙詞選十卷

宋 黃昇輯

宋金元明

〇六二 一〇七

景汲古閣鈔本天下同文一卷

元 不著撰人

宋金元明

〇六二 一九三

詞總集——金

景元本二妙集自卷七至八

金 段克己撰

宋金元明

〇六二 二〇三

景元本遜菴樂府一卷

金 段成己撰

宋金元明

〇六二 二〇五

景元本菊軒樂府一卷

金 元好問輯

宋金元明

〇六二 二一八

景元至大本中州樂府一卷

金 元好問輯

宋金元明

〇六二 二三一

詞總集——元

青雲梯三卷

元 不著撰人

宛委選

〇六二 二四三

詞總集——清

國朝名人詞翰二卷

清 洪頤煊輯

傳經堂

大 〇六二 三〇七


詞別集——宋

明景元鈔本方是閒居士小稿一卷	宋	劉學箕撰	宋金元明	〇六二	三二七
景宋吉州本歐陽文忠公近體樂府三卷前附：仁和吳氏 雙照樓景宋元本詞目	宋	歐陽修撰	宋金元明	〇六二	三四一
景宋本醉翁琴趣外篇六卷	宋	歐陽修撰	宋金元明	〇六二	三七七
景宋本山谷琴趣外篇三卷	宋	黃庭堅撰	宋金元明	〇六二	四一三
冠柳詞一卷	宋	王觀輯 冒廣生輯附	冒氏台	〇六二	四三一
景宋本閒齋琴趣外篇六卷	宋	晁端禮撰	宋金元明	〇六二	四三七
景宋本晁氏琴趣外篇六卷	宋	晁補之撰	宋金元明	〇六二	四六五
景宋本詳註周美成詞片玉集十卷	宋	周邦彥撰 陳元龍撰	宋金元明	〇六二	四九九
景宋本東山詞二卷前附：武進陶氏續刊景宋金元明本詞目	宋	賀鑄撰	宋金元明	〇六二	五四五
景宋本蘆川詞二卷	宋	張元幹撰	宋金元明	〇六二	五六五
景宋本酒邊集一卷	宋	向子諲撰	宋金元明	〇六二	六一七

Wk5p/02

景明正德仿宋本

花間集



景明正德辛巳吳
郡陸元大仿宋本
花間集十卷

長洲章鉉校畢題

宋紹興十八年晁謙之刻花間集十卷半葉十
行行十八字謙之字恭道无咎從弟敷文閣直
學士知建康府跋稱建康舊有本是正復刊蓋
其守郡時也明繙本晁跋後有正德辛巳吳郡
陸元大宋本重刻一行他印本多刻去以充宋
槧自敏求記以降諸家書目所收大率皆是本
都穆跋晉二俊文集謂予家藏本吳士陸元大
爲重刻之袁翼刻淳熙本李翰林別集亦稱得
於元大王陽甫淵雅堂集引顧元慶夷白齋詩
話陸子元大本洞庭涵村世家性疏嬾好遠遊
晚歲業書浮湛吳市嘗刻漫槧中有寄余云嘗
記尋君過澣墅竹青塘上喚輕橈據此則元大
乃書賈之能詩者周弘祖古今書刻蘇州府有
花間集當即是本陸其清佳趣堂書目花間集
十卷震澤王氏刻案李翰林別集版在怡老園
豈此刻後來亦歸王氏歟臨桂王鵬運以海源
閣宋本覆刻據紙背官文書證爲淳熙鄂州刊
印汲古詞苑英華本有陸務觀兩跋題開禧元
年南宋三刻實以晁爲最古前人有謂汲古出
北宋本者殆未攷也今以陸本重摹上版正德
刊書古雅遠勝嘉靖近代槧工即乾嘉間刻且
不能彷彿萬一此則時代爲之非人力所可強
幾已意有感觸聊發其凡甲寅八月仁和吳昌
綬

花間集序

武德軍節度判官歐陽炯撰

鏤玉雕瓊擬化工而迥巧裁花剪葉奪春艷以
爭鮮是以唱雲謠則金母詞清挹霞醴則穆王
心醉名高白雪聲聲而自合鸞歌響遏青雲字
字而偏諧鳳律楊柳大堤之句樂府相傳芙蓉
曲渚之篇豪家自製莫不爭高門下三千玳瑁
之簪寶富罇前數十珊瑚之樹則有綺筵公子
繡幌佳人遞葉葉之花牋文抽麗錦舉纖纖之
玉指拍按香檀不無清絕之辭用助嬌饒之態
一
自南朝之宮體扇北里之倡風何止言之不文
所謂秀而不實有唐已降率土之濱家家之香
逕春風寧尋越艷處處之紅樓夜月自鎖常娥
在明皇朝則有李太白應制清平樂詞四首近
代溫飛卿復有金筌集邇來作者無媿前人今
衛尉少卿字弘基以拾翠洲邊自得羽毛之異
織綃泉底獨殊機杼之功廣會衆賓時延佳論
因集近來詩客曲子詞五百首分爲十卷以炯
粗預知音辱請命題仍爲序引昔郢人有歌陽
春者號爲絕唱乃命之爲花間集庶以陽春之

甲將使西園英哲用資羽翼蓋之歡南國嬋娟休
唱蓮舟之引時大蜀廣政三年夏四月日序

花間集一部十卷

銀青光祿大夫行衛尉少卿趙崇祚集

溫助教廷筠十六首 皇甫先輩松十一首

韋相莊四十七首 薛侍郎昭蘊十九首

牛給事嶠三十三首 張舍人泌二十七首

毛司徒文錫三十一首 牛學士希濟十一首

歐陽舍人烱十七首 和學士凝二十首

顧太尉夔五十五首 孫少監光憲六十一首

魏太尉承班十五首 鹿太尉虔六首

閻處士選八首 尹叅卿鶚六首

毛祕書熙震三十首 李秀才洵三十一首

花間集卷第一

銀青光祿大夫行衛尉少卿趙崇祚集

溫廷筠五十首

菩薩蠻

小山重疊金明滅。鬢雲欲度香顚雪。懶起畫蛾眉。弄粧梳洗遲。
照花前後鏡。花面交相映。新帖繡羅襦。雙雙金鷓鴣。

其二

水精簾裏頗梨枕。暖香惹夢鴛鴦錦。江上柳如烟。鴈飛殘月天。
藕絲秋色淺。人勝參差剪。雙鬢隔香紅。玉釵頭上風。

其三

蘼黃無限當山額。宿粧隱笑紗窓隔。相見牡丹時。暫來還別離。
翠釵金作股。釵上蝶雙舞。心事竟誰知。月明花滿枝。

其四

翠翹金縷雙鸚鵡。水紋細起春池碧。池上海棠梨。雨晴紅滿枝。
繡衫遮笑靨。煙草粘飛蝶。青瑣對芳菲。玉關音信稀。

其五

杏花含露團香雪。綠楊陌上多離別。燈在月朧明。覺來聞曉鶯。
玉鈎寒翠幕。粧淺舊眉薄。春夢正關情。鏡中蟬鬢輕。

其六

玉樓明月長相憶。柳絲裊娜春無力。門外草萋萋。送君聞馬嘶。
盡羅金翡翠。香燭銷成淚。花落子規啼。綠窓殘夢迷。

其七

鳳皇相對盤金縷。牡丹一夜經微雨。明鏡照新粧。鬢輕雙臉長。
畫樓相望久。欄外垂絲柳。音信不歸來。社前雙燕迴。

其八

牡丹花謝鶯聲歇。綠楊滿院中庭月。相憶夢難成。背窓燈半明。
翠鈿金壓臉。寂寞香閨掩。人遠淚闌干。燕飛春又殘。

其九

滿宮明月梨花白。故人萬里關山隔。金鴈一雙飛。淚痕沾繡衣。
小園芳草綠。家住越溪曲。楊柳色依依。燕歸君不歸。

其十

寶函鈿雀金鷄鵲。沉香闌上吳山碧。楊柳又如絲。驛橋春雨時。畫樓音信斷。芳草江南岸。鸞鏡與花枝。此情誰得知。

其十一

南園滿地堆輕絮。愁聞一霎清明雨。雨後却斜陽。杏花零落香。無言勾睡臉。枕上屏山掩。時節欲黃昏。無慘獨倚門。

其十二

夜來皓月纔當午。重簾悄悄無人語。深處麝煙長。卧時留薄粧。當年還自惜。往事那堪憶。花

花間集

三

露月明殘錦衾知曉寒。

其十三

雨晴夜合玲瓏日。萬枝香裏紅絲拂。閑夢憶金堂。滿庭萱草長。繡簾垂景歎。眉黛遠山綠。春水渡溪橋。凭欄魂欲銷。

其十四

竹風輕動庭除冷。珠簾月上玲瓏影。山枕隱穠粧。綠檀金鳳皇。兩蛾愁黛淺。故國吳宮遠。春恨正關情。畫樓殘點聲。

更漏子

柳絲長。春雨細。花外漏聲迢遞。驚塞鴈。起城烏。畫屏金鷄鵲。香霧薄。透簾幕。惆悵謝家池閣。紅燭背。繡簾垂。夢長君不知。

其二

星斗稀。鍾鼓歇。簾外曉鶯殘月。蘭露重。柳風斜。滿庭堆落花。虛閣上。倚欄望。還似去年惆悵。春欲暮。思無窮。舊歡如夢中。

其三

金雀釵。紅粉面。花裏暫時相見。知我意。感君憐。此情須問天。香作穗。蠅成淚。還似兩人心意。

花間集一

四

山枕膩。錦衾寒。覺來更漏殘。

其四

相見稀。相憶久。眉淺澹煙如柳。垂翠幕。結同心。待郎燠繡衾。城上月。白如雪。蟬鬢美人愁絕。宮樹暗。鵲橋橫。玉籤初報明。

其五

背江樓。臨海月。城上角聲嗚咽。堤柳動。島煙昏。兩行征鴈分。京口路。歸帆渡。正是芳菲欲度。銀燭盡。玉繩低。一聲村落鷄。

其六

玉鑪香紅蠟淚。偏照畫堂秋思。眉翠薄。鬢雲殘。
夜長衾枕寒。梧桐樹。三更雨。不道離情正苦。
一葉葉。一聲聲。空階滴到明。

歸國遙

香玉翠鳳寶釵垂景。鈿篸交勝金粟。越羅春
水綠。畫堂照簾殘燭。夢餘更漏促。謝娘無限
心曲。曉屏山斷續。

其二

雙臉小。鳳戰篸金飀。艷舞衣無力。風斂。藕絲秋
色淡。錦帳繡幃斜掩。露珠清曉簾。粉心黃蕊。

花間集一

五

花壓。黛眉山兩點。

酒泉子

花映柳條。閑向綠萍池上。凭欄干。窺細浪。雨蕭
蕭。近來音信兩疎索。洞房空寂寞。掩銀屏。垂
翠箔。度春宵。

其二

日映紗窻。金鴨小。屏山碧。故鄉春。煙靄隔。背蘭
缸。宿粧惆悵倚高閣。千里雲影薄。草初齊。花
又落。燕雙雙。

其三

楚女不歸。樓枕小河春水。月孤明。風又起。杏花
稀。玉釵斜篸雲鬢。裙上金縷鳳。八行書。千
里夢。鴈南飛。

其四

羅帶惹香。猶繫別時紅豆。淚痕新。金縷舊。斷離
腸。一雙嬌燕語雕梁。還是去年時節。綠陰濃。
芳草歇。柳花狂。

定西番

漢使昔年離別。攀弱柳。折寒梅。上高臺。千里
玉關春雪。鴈來人不來。羌笛一聲愁絕。月徘徊。

花間集一

六

其二

海燕欲飛調羽。萱草綠。杏花紅。隔簾櫳。雙鬢
翠霞金縷。一枝春艷濃。樓上月明三五。瑣窓中。

其三

細雨曉鶯春晚。人似玉。柳如眉。正相思。羅幕
翠簾初捲。鏡中花一枝。腸斷塞門消息。鴈來稀。

楊柳枝

宜春苑外最長條。閑裏春風伴舞腰。正是玉人
腸絕處。一渠春水赤欄橋。

其二

南內墻東御路傍。須知春色柳絲黃。杏花未肯無情思。何事行人最斷腸。

其三

蘇小門前柳萬條。毵毵金線拂平橋。黃鶯不語東風起。深閉朱門伴舞腰。

其四

金縷毵毵碧瓦溝。六宮眉黛惹香愁。晚來更帶龍池雨。半拂欄干半入樓。

其五

館娃宮外鄴城西。遠映征帆近拂堤。繫得王孫歸意切。不同芳草綠萋萋。

花間集

七

其六

兩兩黃鸝色似金。裊枝啼露動芳音。春來幸自長如線。可惜牽纏蕩子心。

其七

御柳如絲映九重。鳳皇窓映繡芙蓉。景陽樓畔千條路。一面新粧待曉風。

其八

織錦機邊鶯語頻。停梭垂淚憶征人。塞門三月猶蕭索。縱有垂楊未覺春。

南歌子

手裏金鸚鵡。曾前繡鳳皇。偷眼暗形相。不如從嫁與。作鴛鴦。

其二

似帶如絲柳。團酥握雪花。簾捲玉鈎斜。九衢塵欲暮。逐香車。

其三

鬢墮低梳髻。連娟細掃眉。終日兩相思。爲君憔悴盡。百花時。

其四

花間集一

八

臉上金霞細。眉間翠鈿深。欹枕覆鴛衾。隔簾鶯百轉。感君心。

其五

撲藥添黃子。呵花滿翠鬟。鴛枕映屏山。月明三五夜。對芳顏。

其六

轉眄如波眼。娉婷似柳腰。花裏暗相招。憶君腸欲斷。恨春宵。

其七

懶拂鴛鴦枕。休縫翡翠裙。羅帳罷鑪熏。近來心

更切爲思君。

河瀆神

河上望叢祠。廟前春雨來時。楚山無限鳥飛遲。
蘭棹空傷別離。何處杜鵑啼不歇。艷紅開盡
如血。蟬鬢美人愁絕。百花芳草佳節。

其二

孤廟對寒潮。西陵風雨蕭蕭。謝娘惆悵倚蘭橈。
淚流玉筍千條。暮天愁聽思歸樂。早梅香滿
山郭。迴首兩情蕭索。離魂何處飄泊。

其三

花間集一

九

銅鼓賽神來。滿庭幡蓋徘徊。水村江浦過風雷。
楚山如畫煙開。離別櫓聲空蕭索。玉容惆悵
粧薄。青麥燕飛落落。捲簾愁對珠閣。

女冠子

含嬌含笑。宿翠殘紅窈窕。鬢如蟬。寒玉簪秋水。
輕紗捲碧煙。雪香鸞鏡裏。琪樹鳳樓前。寄語
青娥伴。早求仙。

其二

霞帔雲髮。鈿鏡仙容似雪。盡愁眉。遮語迴輕扇。
含羞下繡幃。玉樓相望久。花洞恨來遲。早晚

乘鸞去莫相遺。

玉胡蝶

秋風淒切傷離。行客未歸時。塞外草先衰。江南
鴈到遲。芙蓉凋嫩臉。楊柳墮新眉。搖落使人
悲。斷腸誰得知。

花間集卷第一

十

花間集卷第二

溫庭筠十六首

清平樂

上陽春晚。宮女愁蛾淺。新歲清平思同輦。爭奈
長安路遠。鳳帳鴛被徒燠。寂寞花鎖千門。夢
把黃金買賦。爲妾將上明君。

其二

洛陽愁絕。楊柳花飄雪。終日行人恣攀折。橋下
水流嗚咽。上馬爭勸離觴。南浦鶯聲斷腸。愁
殺平原年少。迴首揮淚千行。

遐方怨

憑繡檻。解羅幃。未得君書。斷腸瀟湘春鴈飛。不
知征馬幾時歸。海棠花謝也。雨霏霏。

其二

花半拆。雨初晴。未捲珠簾。夢殘惆悵聞曉鶯。宿
粧眉淺粉山橫。約髮鸞鏡裏。繡羅輕。

訴衷情

鶯語花舞。春晝午。雨霏微。金帶枕。宮錦鳳皇帷。
柳弱燕交飛。依依。遼陽音信稀。夢中歸。

思帝鄉

花花滿枝紅似霞。羅袖畫簾腸斷。卓香車。迴面
共人閑語。戰篋金鳳斜。唯有阮郎春盡。不歸家。

夢江南

千萬恨。恨極在天涯。山月不知心裏事。水風空
落眼前花。搖曳碧雲斜。

其二

梳洗罷。獨倚望江樓。過盡千帆皆不是。斜暉脉
脉水悠悠。腸斷白蘋洲。

河傳

江畔。相喚。曉粧鮮。仙景箇女採蓮。請君莫向那
岸邊。少年。好花新滿船。紅袖搖曳逐風暖。垂
玉腕。腸向柳絲斷。浦南歸。浦北歸。莫知。晚來人
已稀。

花間集二

二

其二

湖上。閑望。雨蕭蕭。煙浦花橋路遙。謝娘翠蛾愁
不銷。終朝。夢魂迷晚潮。蕩子天涯歸棹遠。春
已晚。鶯語空腸斷。若耶溪。溪水西。柳堤。不聞郎
馬嘶。

其三

同伴。相喚。杏花稀。夢裏每愁依違。仙客一去燕

已飛不歸。淚痕空滿衣。天際雲鳥引情遠。春已晚。煙靄渡南苑。雪梅香。柳帶長。小娘轉令人意傷。

蕃女怨

萬枝香雪開已遍。細雨雙燕。鈿蟬箏。金雀扇。盡梁相見。鴈門消息不歸來。又飛迴。

其二

磧南沙上驚鴈起。飛雪千里。玉連環。金鏃箭。年年征戰。盡樓離恨錦屏空。杏花紅。

荷葉盃

花間集二

三

一點露珠凝冷。波影滿池塘。綠莖紅艷兩相亂。腸斷水風涼。

其二

鏡水夜來秋月。如雪。採蓮時。小娘紅粉對寒浪。惆悵正思惟。

其三

楚女欲歸南浦。朝雨。濕愁紅。小船搖漾入花裏。波起隔西風。

皇甫松十一首

天仙子

晴野鷺鷥飛一隻。水荇花發秋江碧。劉郎此日別天仙。登綺席。淚珠滴。十二晚峯高歷歷。

其二

鵲踏花開紅照水。鷓鴣飛遶青山紫。行人經歲始歸來。千萬里。錯相倚。懊惱天仙應有以。

浪濤沙

灘頭細草接疎林。浪惡罾船半欲沉。宿鷺眠鷗非舊浦。去年沙嘴是江心。

其二

蠻歌豆蔻北人愁。蒲雨杉風野艇秋。浪起鵝鵲眠不得。寒沙細細入江流。

花間集二

四

楊柳枝

春入行宮映翠微。玄宗侍女舞煙絲。如今柳向空城綠。玉笛何人更把吹。

其二

爛熳春歸水國時。吳王宮殿柳絲垂。黃鶯長叫空閨畔。西子無因更得知。

摘得新

酌一卮。須教玉笛吹。錦筵紅蠟燭。莫來遲。繁紅一夜經風雨。是空枝。

其二

摘得新枝枝葉葉春。管絃兼美酒最關人。平生
都得幾十度展香茵。

夢江南

蘭燼落屏上。暗紅蕉。閑夢江南梅熟日。夜船吹
笛雨蕭蕭。人語驛邊橋。

其二

樓上寢殘月下簾旌。夢見秣陵惆悵事。桃花柳
絮滿江城。雙髻坐吹笙。

採蓮子

花間集

五

菡萏香連十頃陂。舉棹小姑貪戲採蓮遲。年少
晚來弄水船頭濕。舉棹更脫紅裙裏鴨兒。年少
船動湖光灩灩秋。舉棹貪看年少信船流。年少
無端隔水拋蓮子。舉棹遙被人知半日羞。年少

韋莊二十二首

浣溪沙

清曉粧成寒食天。柳毬斜裏間花鈿。捲簾直出
畫堂前。指點牡丹初綻。日高猶自凭朱欄。
含嚬不語恨春殘。

其二

欲上鞦韆四體慵。擬交人送又心忪。畫堂簾幕
月明風。此夜有情誰不極。隔牆梨雪又玲瓏。
玉容憔悴惹微紅。

其三

惆悵夢餘山月斜。孤燈照壁背窗紗。小樓高閣
謝娘家。暗想玉容何所似。一枝春雪凍梅花。
滿身香霧簇朝霞。

其四

綠樹藏鶯鶯正啼。柳絲斜拂白銅堤。弄珠江上
草萋萋。日暮飲歸何處客。繡鞍驄馬一聲嘶。

花間集二

六

滿身蘭麝醉如泥。

其五

夜夜相思更漏殘。傷心明月凭欄干。想君思我
錦衾寒。咫尺畫堂深似海。憶來唯把舊書看。
幾時攜手入長安。

菩薩蠻

紅樓別夜堪惆悵。香燈半捲流蘇帳。殘月出門
時。美人和淚辭。琵琶金翠羽。絃上黃鶯語。勸
我早歸家。綠窻人似花。

其二

人人盡說江南好。遊人只合江南老。春水碧於天。畫船聽雨眠。鑪邊人似月。皓腕凝雙雪。未老莫還鄉。還鄉須斷腸。

其三

如今却憶江南樂。當時年少春衫薄。騎馬倚斜橋。滿樓紅袖招。翠屏金屈曲。醉入花叢宿。此度見花枝。白頭誓不歸。

其四

勸君今夜須沉醉。樽前莫話明朝事。珍重主人心。酒深情亦深。須愁春漏短。莫訴金盃滿。遇酒且呵呵。人生能幾何。

花間集二

七

其五

洛陽城裏春光好。洛陽才子他鄉老。柳暗魏王堤。此時心轉迷。桃花春水綠。水上鴛鴦浴。凝恨對殘暉。憶君君不知。

歸國遙

春欲暮。滿地落花紅帶雨。惆悵玉籠鸚鵡。單栖無伴侶。南望去。程何許。問花花不語。早晚得同歸去。恨無雙翠羽。

其二

金翡翠。爲我南飛傳我意。罨畫橋邊春水。幾年花下醉。別後只知相愧。淚珠難遠寄。羅幕繡幃。鴛鴦被。舊歡如夢裏。

其三

春欲晚。戲蝶遊蜂花爛熳。日落謝家池館。柳絲金縷斷。睡覺綠鬟風亂。畫屏雲雨散。悶倚惻山長歎。淚流沾皓腕。

應天長

綠槐陰裏黃鸝語。深院無人春晝午。畫簾垂。金鳳舞。寂寞繡屏香一炷。碧天雲。無定處。空有夢魂來去。夜夜綠窓風雨。斷腸君信否。

花間集二

八

其二

別來半歲音書絕。一寸離腸千萬結。難相見。易相別。又是玉樓花似雪。暗相思。無處說。惆悵夜來煙月。想得此時情切。淚沾紅袖顫。

荷葉盃

絕代佳人難得。傾國花下見無期。一雙愁黛遠山眉。不忍更思惟。閑掩翠屏金鳳。殘夢羅幕盡堂空。碧天無路信難通。惆悵舊房櫳。

其二